

Масжиддан жанозага эълон қилиш

09:50 / 10.04.2018 4749

Савол:

Ассалому алайкум! Ман қишлоқ жойда истиқомат қиламан, аввалари худудимизда жаноза ёки бирон масжид ва қабристонларда бўладиган хашар ҳақидаги хабарлар масжид овоз кучайтиргичи орқали халққа маълум қилинар эди. 1 йил аввал масжидимиз имоми ўзгарди ва бизнинг бу ҳаракатимиз яъни жаноза хабарларини масжидда овоз кучайтиргич орқали маълум қилиш дуруст эмаслигини айтдилар. Шу масалага ойдинлик киритиб берсангизлар. Бизда жарчи штаби йўқ ва жаноза хабарини масжид калонкасидан хабар қилинса бутун қишлоқ ахли эшитарди ва қатнашар эди. Ҳозир кўпчилик инсон маълумотсиз қолиб кетмоқда шу борада ёрдам берсангизлар. Масжид овоз кучайтиргичлари орқали жанозага эълон қилсак бўладими?

Жавоб:

"Зикр аҳлидан сўранг" ҳайъати:

Ва алайкум ассалом!

هُلِّلْ لَيْلَ صِرْهَ لَلْ لُؤْسَرِ اَنْ لَّيْ عَن : لَاقُؤْنَعُ هَلْ لَّيْ صِرْ رَؤْرِي رُهِ بَأُ نَع
: لَاقُؤْفِ هَي فَ تَامِ ي دَّ لَ مَؤِي ءِ شَبَّ حَلَّ اِحْ صَيَّ شَ اِحَّ نَلَّ مَ لَسَوِ هَي لَع
مُ كَي حَّ اَلْ اُؤْرْفُ عَ تَسَا

Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васаллам Ҳабашистон подшоҳи Нажоший вафот этган куни унинг ўлими хабарини етказиб: «Биродарингиз учун мағфират сўранг», дедилар».

Ушбу ҳадисдан фуқоҳолар вафот топган киши ҳақида хабар бериш жоизлигини олганлар. Аммо масжиддан туриб халққа эълон қилиш тўғри иш эмас. Яхшиси тўйларга уселителни ижарага берадиганларнинг уйида ҳамма вақт овоз кучайтиргич бўлади. Ўшандан эълон қилдирган яхши.

لَاقُؤْمَ لَسَوِ هَي لَعُ هَلْ لَّ لَيْ صِرْ بَّ نَلَّ اَنْ عُؤْنَعُ هَلْ لَّيْ صِرْ رَؤْرِي رُهِ بَأُ نَع
كُؤْيَ لَعُ هَلْ لَّ اؤْدَرِ اَلْ لُؤْقِي لَفِ دِجْ سَمَ لَّ اِي فَّ ةَلْ اَصُّ دُؤْشَنِي اَلْ حَرَّ عَمَّ سَمَ نَم
دَوَادُ وُبَّ اُوْمَ لَسُمُّ هَاؤْرَ . اَدُوْلَ نَبُّ تَمَّ لَ دِجَ اَسَمَ لَّ اَنْ اِفَّ

Абу Хурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Ким масжидда йўқолган нарсасини сўроқлаган одамни эшитса, унга «Аллоҳ уни сенга қайтармасин. Масжид бунинг учун бино қилинмаган», десин», дедилар».

Муслим ва Абу Довуд ривоят қилганлар.

Шарҳ: Демак, масжидда туриб, йўқолган нарсани эълон қилиш, уни излаш мумкин эмас. Чунки масжид ибодат масканидир. Йўқолган нарсаларни топиб берадиган идора эмас.

Аммо масжид эшигидан ташқарида у ерга келганлардан йўқолган нарса ҳақида маълумот сўраса бўлади. Ушбу нарсага ниҳоятда эътиборли бўлишимиз лозим.

Баъзи жойларда имомлар минбарда туриб, йўқолган нарса ҳақида эълон қиладилар. Бу тўғри иш эмаслиги ҳадисдан кўриниб турибди. ("Ҳадис ва Ҳаёт" китобидан). Валлоҳу аълам!